

Umhverfis- og samgöngunefnd Alþingis
Sent í tölvupósti á netfangið: nefndasvid@althingi.is


Neskaupstað 9. febrúar 2021

Umsögn Náttúrustofu Austurlands um frumvarp til laga um vernd, velferð og veiðar á villtum fuglum og villtum spendýrum, 368. mál

Náttúrustofa Austurlands fagnar framkomnu frumvarpi til laga um vernd, velferð og veiðar á villtum fuglum og villtum spendýrum. Náttúrustofan tekur undir öll þau sjónarmið og athugasemdir er koma fram í umsögn Samtaka náttúrustofa (SNS) en vill auk þess koma á framfæri eftirfarandi athugasemdum við ákvæði er lúta að stjórnun og vöktun hreindýrastofnsins.

- 1.) Í 36. gr. er lýtur að Hreindýraráði viljum við koma á framfæri að æskilegt væri að Búnaðarsamband Norður-Þingeyinga ætti fulltrúa í eða a.m.k. ætti aðkomu að hreindýraráði. Í N-Þingeyjarsýslu austan Jökulsár á Fjöllum finnast oft fleiri hreindýr en í A-Skaftafellssýslu.
- 2.) Í sömu grein segir „Ráðið skal ár hvert gera tillögu til Umhverfisstofnunar um skilgreiningu ágangssvæða hreindýra“ skilgreiningar á ágangssvæðum byggja á vöktun stofnsins og því eðlilegra að NA skilgreini þau en Hreindýraráð veiti umsögn um þau til UST.
- 3.) Í 55. gr. er lýtur að gjaldtöku segir í 6. tölul. að Umhverfisstofnun skuli innheimta gjald og taka mið af kostnaði við vöktun hreindýrastofnsins, eftirlit og stjórn hreindýraveiða auk arðgreiðslna til landeigenda á hreindýrasvæðum sbr. 56. gr. NA vísar í og tekur undir tillögur nefndar um lagalega og stjórnsýslulega stöðu villtra fugla og spendýra sem komu fram í svokallaðri „Villidýraskýrslu“ árið 2013. Í þeirri skýrslu, á bls. 201, segir hvað þetta varðar: „Árlegur veiðikvóti hefur takmörkuð áhrif á kostnað við stjórnsýslu, vöktun og eftirlit með hreindýraveiðum. Því væri eðlilegra að fjármagn til þeirra aðila sem hafa umsjón með stjórnsýslu, vöktun og eftirlit sé ótengt veiðikvóta. Lagt er til að þessu kerfi verði breytt með þeim hætti að Umhverfisstofnun og Náttúrustofa Austurlands geri árlega kostnaðaráætlanir varðandi sína þætti og sú upphæð sem þessir aðilar fá verði tiltekin upphæð en ekki háð fjölda felldra dýra.“

Fyrir hönd Náttúrustofu Austurlands



Kristín Ágústsdóttir, forstöðumaður